

Asturies 1996-2006: una década perdida

El fracasu de les polítiques del PP dio pasu al impás clientelar del PSOE

HOLM-DETLEV KOHLER

A primeros de la década, Asturies contaba con 1.117.370 habitantes (1995) Y un índiz d'avieyamientu de 158'02 (relación ente mayores de 64 y menores de 16 años). Según la Encuesta de la Población Activo (EPA), en 1996 había 922.600 adultos (mayores de 16 años) de los que 326.900 trabayaben, 86.500 taben en paru y 506.600 inactivos. Güei somos 1.076.685, con una tendencia pequeña al aumentu" depués de bien d'años de perda de población. L'índiz d'avieyamientu ta en 227'51 (últimas datos de 2004) con tendencia al alza. De los 937.300 adultos en 2006 trabayaben 416.200, 47.400 tán en paru y 473.600 inactivos. Los daros del empléu, sicasi," hai que los interpretar con cuidáu polos defectos y los cambios de métodu de la EPA De tales formes, los asturianos al con tramos dalgo más d'empléu pero, sobre toa, facéc monos cada vuelta más vieyos.

Pa facer un balance de la década pasada convién plantear dos preguntes interrelacionaes. En términos económicos, la década de 1996-2005 foi una de grandes posibilidaes. D'una parte, dende mediaos de los noventa la economía española nun dexó de crecer a un ritmu superior a la media europea y creó un empléu netu de forma constante. D'ehí la primer pregunta: ¿hasta qué puntu Asturies se benefició y participó nesti crecimentu? D'otra, llegaron fondos públicos asgaya, particularmente los fondos estructurales europeos y los fondos mineros, a Asturies pa financiar polítiques de recuperación económica y de converxencia col Estáu español y Euro

pa. ¿Cuálos son los resultaos de la xestión d'estos fondos?, ye la segunda pregunta.

Resumiendo la respuesta podemos afumar: Asturies creció y xeneró empléu, pero a un ritmu claramente inferior al restu del Estáu, a resultes d'una débil estructura económica y d'una mala xestión de los fondos públicos. Esta situación hai que matizala cola evolución demográfica yá qu'Asturies ye de los territorios con menor inmigración y más perda de población (de fechu xunto con Castiella y Ueón ye l'únicu que tien un crecimentu demográficu negativu nesta época de fuerte inmigración) polo que'l PIB per cápita creció cerca de la tasa española y caliense una calidá de vida elevada. Esta calidá de vida, sicasi, nun ye a resultes de l'actividá asturiana, sinón de tresferencies, yá qu'Asturies (xunto con Extremadura) tien la balanza fiscal más negativa y ye la que más tresferencies recibe del Estáu por habitante. Les tasas d'actividá (48'15%; l'Estáu español: 57'35%) y d'empléu (43'1% l'Estáu: 52%; según datos de 2005) son les más baxes del país.

A estos datos estadísticos preocupantes hai qu'amestar otros de carácter más cualitativu. El crecimentu de l'empléu afilaSe, aparte de los servicios públicos, en sectores como la construcción y servicios de tipu hostelería y comerciti, caracterizaos pala precariedá y la baxa de calidá del empléu. Tocante al capital humanu, Asturies produz un altu porcentaxe de diplomaos y llicenciaos universitarios ensin salida nel mercáu llaboral nel propiu territoriu, mentes dellos sectores industriales lláméntese de la falta de mano d'obra cuali



La construcción, xunto colos servicios, son los sectores más dinámicos d'una economía estancada.

**La principal
caracterisrica ye un
datu estadísricu:
l'avieyamientu**

**Si se quier saber lo
que ye un área
deprimida, hai que
venir a Asturies**

**La sociedá asienta nel
declive económicu y
na falta de dinamismu**

ficao. El sector priváu sigue siendo poco dinámicu en términos d'exportación, d'inversión n'I + D y d'inversión en capital. Asturies nun tien clusters y redes de competencia"formaos por empreses, alministraciones y entidaes d'investigación. El centru metropolitanu, el gran atractivu migratoriu y eco

nómicu d'Asturies, sigue ensin integración y ordenación territorial. «Nun existen datos minimamente firmes p'asegurar que'l despegue d'Asturies principiú. Si se necesita explicar cómo se produz un área industrial deprimida, y qué característiques surden nella, ye necesario dir a Asturies», resume'l

reputáu economista asturianu Juan Velarde Fuertes la situación nun reciente articulu (El Comercio, 26/03/2006).

La infraestructura fráxil y los defectos institucionales de la economía asturiana remitenos al déficit políticu y la mala xestión de fondos. Asturies foi la comunidá

economíaEspecial10años

Vien de la páxina anterior

que más fondos por habitante recibió nesta década xenerando sectores d'actividá enteros de formación ocupacional, d'obres pÚbriques y de xestión de proyectos. Estos fondos foron xestionaos ensin un proyectu estratéxicu común y siguiendo criterios clientelistes y localistes. L'organismu diseñáu pa la coordinación d'estes polítiques, l'IDEPA, cambió de nome delles veces y de director ensin llograr les competencies necesaries pa la so finalidá. Los fondos mineros y los de formación foron xestionaos d'espalda a los fondos rexonales y europeos. Proyectos multimillonarios fechos ensin estudiu de viabilidad nin de costes d'oportunidá (campus de Mieres, superpuertu de Xixón) o ensin enllaz cola infraestructura existente (Autovía Minera) son namás dalgunos exemplos nos que rescampen los defectos de la xestión política de la economía asturiana. Otru actor estratéxicu pa una política económica, la Caja de Ahorros de Asturias (junto con la Caja Rural), nin figura na axenda de los políticos más allá de peles sobre'l control de la entidad.

Resumiendo, podemos afirmar que la sociedad asturiana asienta nuna situación de declive económico y desarrolla característiques correspondientes a la falta de dinamismu. ¿Cuáles foron les tendendes más destacaes en téminos sociales a lo llargo de la década pasada? Lo primero ye l'avieyamientu. Asturias ye, a nivel estatal, quien tien menor porcentaxe de población de menores de 15 años. Amás, recibe menos inmigración y exporta una parte significativa del so capital humanu mozu y bien forniáu. Asina, la sociedad asturiana cuerre peligru de convertirse nuna sociedad ensin mocedá. Nun se trata namás de que'l pesu estadísticu de la mocedá mengua de manera constate, sinón que, amás, la parte más dinámico de la mocedá busca experiencias llaborales y vitales fuera d'Asturies: la falta de presión pal necesariu y urxente relevu xerieracional de les sos clases dirixentes y l'ausencia d'un espíritu innovador en tolos sos ámbitos.

Lo segundo ye que la riqueza y la población concéntrense cada vez más n'Asturies nes dos comarques crecientes (Uviéu y Xixón) mentes les demás pierden población. Les ales y les cuenques mineres viven un procesu d'avieyamientu y despoblación aceleráu. La vida social nel centru d'Asturies sigue unes pautes xeneralizaes ande destaca'l consumu (Asturies ye'l sitiu del Estáu con más centros comerciales por habitante) y l'individualismu. La xente asóciase cada vez menos y nun participa na política.

Terminamos con un breve balance políticu. Va diez años, n'Asturies alcontrábase baxo un gobiernu inoperativu, un gobiernu

de derecha que perdiera l'apoyu del so propiu partiu. Dende aquella sabemos que la derecha nun ye una alternativa política válida y la situación del Partiu Popular n'Asturies nun dexa de confirmalo. El PP, amás, fomentó una confusión política peligrosa en suponer que la suerte d'Asturies depende de regalos d'un ministru de Fomentu en Madrid, como si viviéramos tovía en tiempos ande los gbiernos del réxime actuaben como los dueños del Estáu. La

ciudadanía reaccionó al devolver el poder políticu a los partíos de la izquierda, pero éstos sólo volvieron al modelu de xestión fracasáu n'époques anteriores. Volvieron les mesmes práctiques clientelistes, los mesmos bloqueos mutuos, los mesmos marafundios de recursos públicos, protagonizaos polos mesmos políticos. Dende entós esperamos un modelu políticu nuevu y una clase dirixente renovada, ensin saber d'ónde pueda venir.



COSTA

Los fondos mineros invirtióronse en proyectos faltos d'estudios de viabilidad.

[1.000 años d'Historia
85.000 Histories]

AVILÉS, fecha de Xente

Conceyu d'Avilés